

筆記小說大觀

集

清王端履輯

重論文齋筆錄

上海

滬步書局校印

千
紀
山
雲
龍
圖

千
紀
山
雲
龍
圖

千
紀
山
雲
龍
圖

清 王端履輯

重論文齋筆錄

上海進步書局印行

序

重論文齋者

族父晚聞先生暨其冢嗣

小穀太史兄讀書所也

先生自乾隆

庚子成進士澹於名終身不筮仕敬敏好學嘗聚書十餘萬卷構樓以貯世所稱十萬卷樓是也與先君子為莫逆交國中有二難之目

曼壽

年十七由閩還里從

先生橋梓學時文率以月之三八日錄所肄業文就質一日見先生有喜色顧謂兄曰此可學前明隆慶文者其時兄似未之心許也果以質魯且多病業不成閱三年復之先君子任所睽隔者有年及嘉慶戊寅隨侍先君歸因得朝夕以經史詩古

文相問辨橋梓間以愛重

先君故不以曼壽材鈍少倦誨也家著甚夥

先生遺

集九卷久已盛行於時道光丙午兄之筆錄成編梨棗竣事囊書命

曼壽

序

曼壽

踏無以應因對曰兄之辭翰苑侍庭闈也日坐十萬卷樓披吟不絕口於書則自十四經廿八史以及老莊諸子風騷漢魏之文無不窺也抽簪三十餘年朋舊之從游俊髦之請業解紛排難湔剔挾摩於事則知無不言言無不盡也晚歲築心矩堂以孝友教子姓以輯睦和親戚以任恤惠鄉黨與宗族凡座師同譜之督學撫司吾浙者絕不以一言通而邑中或有水旱災並江海塘歲修之役以洎地方勸分公舉兄

無不首為倡也信乎言有物而行有恒已近始節取聞見心得之精粹成重論文齋
筆錄十二卷在兄不過聊示文豹一斑而讀者已莫能窺萬一也昔洪景廬著容齋
隨筆淹通該洽為南渡諸儒之冠而吾家伯厚困學紀聞既博且精尤為後勁今餘
姚翁鳳西太常詳為注釋竭三十年之力而後成書藝林重焉今之筆錄固前師伯
厚而後事容齋者也碌碌如曼壽奚以序之抑嘗讀唐書元白傳白有文集七十五
卷微之序之曰樂天入翰林為賀雨詩秦中吟等數十章指言天下事時人比之風
騷人以微之序為盡其能事元之行不足數其文實與香山相伯仲曼壽才不及元
而兄則今之白也奚以序兄之書又嘗讀樂天池上篇曰東都風土水木之勝在東
南偏即白氏叟樂天退老之地樂天既為主喜且曰雖有臺池無粟不能守也乃作
池東粟廩雖有子弟無書不能訓也乃作池北書庫雖有賓朋無琴酒不能娛也乃
作池西琴亭加石樽焉每至池風春池月秋酒酣琴罷命樂童奏霓裳散序曲未竟
而樂天陶然石上矣白之自序又如此當今之世居浙之東有詩酒之樂如白者舍
兄無人也兄有田三十頃得穀二千石者三倍焉兄之粟廩多於白矣白無子兄有
子且賢無紉繆氣家庭之身教又多於白矣至十萬卷樓之書庫心矩堂之琴樽數

十年來竊見兄書擁百城無不暢也無不酣也凡所以自娛者方之醉吟先生何媿焉劉昫謂樂天友愛過人兄弟相待如賓客辭祿逍遙惟以吟咏性情為事放心於自得之場置器於必安之地昫言良允就兄之文觀兄之行昫所以稱樂天者蓋不啻預為兄筆錄之序矣碌碌如曼壽奚以序兄之書哉爰述唐書傳語及池上篇醉吟先生自序以為之序是年十一月小寒後十日族弟曼壽謹書於鄆鄭學廬

自序

流光荏苒老景頽唐每讀羣籍掩卷即忘氣日以短學日以荒偶有聞見類聚以方錄之於筆以當知囊虛糜翰墨習以為常積久成帙語焉必詳駁而不醇雜而無章不堪問世鑿楹而藏敬告友朋非饋貧糧

重論文齋筆錄卷一

清 蕭山王端履輯

重論文齋。舊名悅我軒。平屋三楹。前饒花木。後俯清池。為先君晚間公讀書之所。端履幼亦肄業其中。後遭家難。鵲巢久被鳩居。嘉慶丙寅始復故業。先君子爰易今名。以志感。道光戊子。余兄弟析爨。室歸於予。因逼近內室。改建樓居。而遷書塾於廳事之西南隅。仍以舊額顏之。不忘本也。

康熙乙酉。悅我軒落成。時毛西河先生年九十四歲矣。為集李羣玉張喬句。書楹聯云。披雲漱瓊液。傍池觀素書。又題一詩於縑素云。佳士不恒遇。垂老歎積薪。何期跬步間。獲此雙南珍。意氣既難量。風雅真絕倫。遠過鹿門客。豈減藍田人。王楊并樓子。從此稱有鄰。方今世趨壤。高髻徒嶙峋。誰謂宇宙寬。俯仰空四垠。今聯已鉅木。詩尚藏於余家。

重論文齋改題後。先君子製一聯云。扶杖故人來。白首記君攀桂日。過牆喬木在。青山見我讀書時。蓋庭前有老桂兩株。花時少年朋好。多喜攀折。故憶友之。徐古樸觀察。國楠見而笑曰。當指我也。

嘉慶丙辰儀徵阮相國師以內閣學士督學浙江按臨吾郡歲試統覆生童詩以重

與細論文為題限七排八韻

端履

有句云話聯風雨牀頻對夢入池塘草又生師閱

之笑曰詩句尚佳但是兄弟而非朋友耳因出二卷示之曰如此方切題汝其識之

一卷為會稽邵縣一卷為山陰王文潮也敬錄之於左邵詩云江雲渺渺朝辭岫春

樹依依晚悵晴滿地殘英翻燕影橫天孤雁送鐘聲當歌頓念人千里對酒空邀月

一觥望遠情懷如有失索居風味似餘醒仙才擊水沄沄瀉妙論飛花的的明講律

學原憑友細求工字必待君更徒教仰卧摹顏色那得重看歎瘦生獨抱相思向誰

語離惊心夢雨難清

端履案云春樹云滿地殘英則是春暮矣又云橫天孤雁未免失檢然風簷寸晷之作不可逐字吹毛且因此益見是場中本

色未經潤也

王詩云故交別後知何處但覺茫茫百感生判袂河山成獨立論文心跡憶

雙清樽傾綠蟻空憐酒燼落紅英黯對藥翳我雲停思夙好想君天末結遙情何勞

刮目推前哲惟願敲詩續舊盟並案丹鉛消蠹字連牀風雨聽雞鳴雄才自縱無人

識卓午相看倍念縈閒仰屋梁增悵觸誰如庾鮑筆縱橫

端履案此二詩後刻入浙江詩課

余舊藏抄本通歷十五卷字畫譌脫殊甚因取各史及通鑑諸書校正一過命工繕

寫差可句讀。然無從校正者。尚不少也。此書前十卷。唐馬總撰。後五卷。張光庭所續。今已佚其前三卷。詳見阮相國師學經室提要。此本前三卷。不知何人所補。與卷四以下文義迥殊。體例亦異。舊題李燾。殆出依託。不足據也。

戊戌仲秋。從杭賈購得吳履齋

潛

奏議四卷。

前有其十一世孫詒相原序。又有十二

世孫伯與序。

稱是刻汝州公類梓之。與續為六卷。汝州公即指詒相。似此本為伯與

重葺。非復詔相之舊。且尚有續刻二卷。然案詔相原序稱疏凡六十餘種。與此本篇數相符。且始於紹定四年。論都城火災。迄於臨歿謝表。首尾完具。即宋史列傳所稱諸疏。亦全載此本中。並無闕失。不知伯與等所續。又是何疏。今不可得而見矣。

新刻宋鄒浩道鄉集四十卷。補遺一卷。附錄一卷。學使桐城姚伯昂師所貽。讀師後序。知為鄒二十六世孫禾所刻。而李海帆

宗傳

吳梅梁傑兩觀察捐廉俸助之者。海

帆師同鄉。現官山東按察使。梅梁會稽人。與余鄉會同年。甲戌會試。又同出師門。後官工部侍郎。卒於位。是書僅從明萬曆中重刊本付梓。據王漁洋跋。其先尚有正德壬申刻本。又聞杭州振綺堂有南宋刻本。暇日當從又却假校之也。

又却名遠孫。乃振綺堂後人。姓

汪氏。能世守遺籍。為杭州藏書第一家。

內閣學士向俱由三品京堂陞轉。讀講學士雖開列。而鮮有超擢者。道光戊戌七月。

特授侍讀學士徐士芬。

平湖人。嘉慶己卯進士。

侍講學士杜受田。

濱州人。道光癸未進士。

為內閣學士。

二學士俱在書房行走。

並諭令專心授讀。不必到閣批本。徐謝摺云。臣學慙譎陋。職忝清華。

幸講幄之超承。光依日月。懔禁闈之侍直。報乏涓埃。五夜自思。寸衷彌惕。茲復恭膺。

獎命。渥邀逾格之恩。昇晉升階。寵荷超遷之秩。且免其到閣批本。俾得專心入侍。沐。

鴻慈於至厚。揣駑策以難勝。臣惟有慎效管窺。勉殫鯁汲。鵲梁滋愧。懼貽牆面之譏。

蛾術時勤。兼勵齋心之業。願竭惓忱於萬一。冀酬高厚於九重。杜謝摺云。臣一介庸。

愚。備員詞館。仰蒙渥眷。拔直禁廷。以振篋為專司。僅綴班而旅進。幸屢承於訓諭。得。

稍迪其顛蒙。方課授經執簡之程。曾無墜露輕塵之效。茲復恩言特沛。俾以職居。

內省。官帶容臺。步趨丹陛。入鶴籞而知嚴。手校紫泥。臨鼇峯而滋惕。自天雨露。莫名。

逾格之恩。近日雲霞。倍切依光之願。乃復載荷恩綸。專其任使。輪直無煩於兼顧。

曲成。更被夫殊施。縱竭蟻忱。難酬鴻造。臣惟有殫誠夙夜。悉志旰宵。斯邁斯征。冀靡。

虧其職業。惟高惟厚。庶稍答於生成。

秀水錢鐸石侍郎。載奉使祭告堯陵。回京。具奏堯陵當在平陽。不在濮州。奉一旨申。

飭其疏大抵據酈道元水經注備引成陽有堯陵堯母陵有中山夫人祠而結之云
考地驗狀咸為疎僻語為左證其同年盧召弓學士文昭著議二篇駁之載抱經堂
文集蓋侍郎工於詩畫而考證非其所長此疏尤強辭奪理宜上干一廷議而下招
通儒之指摘也

侍郎有鐸石齋集五十卷行世其畫尤為儒林珍貴於是市賈作偽欺世贗鼎雜出
百無一真余藏折枝桂一幅蓋侍郎乾隆壬子重赴鹿鳴後所作者舊為同里蔡聖
涯濱故物後歸於予葉用水墨花綴金粟草草數筆老氣橫秋自題云深被君恩一
殘醇中丞堂啟接如賓泠泠魚麗南陔古濟濟天香桂子新八袞早開扶杖者三朝
生長太平人未能遍語諸前輩感極歸田已十春壬子赴宴後賦此詩回家索寫此
花索錄此詩者甚眾余亦期望情殷有所不辭然古人囊螢映雪之事必宜自省九
月廿五坐雨寶澤堂中寫八十五老人錢載先君子跋云鐸石先生桂枝圖真蹟今
藏余表弟蔡君聖涯家嘉興人云先生喜作是圖贗者不少當以此本為證又有湯
清泉封翁題云嘉慶丙子閏六月蔡聖涯妹婿出示萬松居士折桂圖七十五老人
湯元裕題并觀

封翁今協揆湯敦甫大司農厥考畫松
應逼真其臨摹書法直追淳化帖筆意

朱魯齋周禮句解十二卷。明成化戊子刻本。每葉二十行。行二十三字。前有奉勅提督學校奉政大夫陝西提刑按察司僉事臨川伍福序。後有西安府庠生員六名李文煥韓聰許仁宋欽楊鵬宋繪騰寫字。蓋福督陝學時。令文煥等繕校。而屬西安郡守孫世榮重刻之者。其書於經文任意刪節。又如天官獸醫之類。多有併全職而去之者。案諸書所述。但言其削序官不載。而不言其刪節經文。據伍福序稱梓刻久散。傳布頗夥。是成化以前有舊刻本矣。又據浙江採集遺書總錄稱明陳儒督撫淮南時。曾刊行之。是成化後又有刻本矣。豈各本俱全。而此本獨刪之耶。抑各本所刪皆與此本同耶。明人刻書。每務刪節。然多在嘉靖以後。不意成化時已蹈此習也。

吾郡暑月歲演目連救母記。跳舞神鬼。窮形盡相。鐵嶺李西園太守。

名亨特。後官東河總督。聞

而惡之。勒石示禁通衢。迄今幾六十年。風仍未革。偶閱章亭白楹謬崖脍說。載江南風俗信巫覡。尚禱祀。至攘蝗之法。惟設臺倩優伶搬演目連救母傳奇。列紙馬齋供賽之。蝗輒不為害。又自言康熙壬寅在建平。蝗大至。自城市及諸村堡。競賽攘之。親見伶人作劇時。蝗集梁楣甚衆。村氓言神來看戲。半本後去矣。已而果然。如是者匝月。傳食於四境殆遍。然田禾無損者。或賽之稍遲。即轟然入隴。不可制矣。噫。演劇果

可禦災亦當權宜開禁。然吾郡素無蟲孽。有驗與否。固不可得而知。是在良有司因時制宜。不可舉一而廢百也。

余詢之老農云。蝗多起於北方。五六月間。南風甚盛。蝗不能逆風而竄。至南塋。即此其至。則蝗已老而無能為

害。未知其說然否。

勝說又言。建平縣西有村堡。曰諸葛城。四周土墉。隱隱隆起。居其中者。可數十家。其中居民生兒。俱不出痘。痘證行時。外人或攜兒避入堡中。輒無恙。理有不可曉者。始履見。近日痘醫吝惜養苗之費。不復傳種。及至種痘之時。多輾轉購賣。貽害無窮。又有點者。以水痘苗充數。亦能灌漿結靨。詎人酬謝。其父母方以兒痘已出。可保無虞。不知一遇天災。仍罹劫數。忍心害理。莫此為甚。故種痘以揀苗為第一要事。當擇紅潤而圓統。太細則力弱。太粗則力猛。若沉黑而堅燥者。不可用。恐係天痘苗也。淡白而平薄者。不可用。恐係水痘苗也。錢唐梁晉竹孝廉。紹壬言。今西洋醫必哈咬。善種痘。以極薄小刀。微剔兒左右臂。以他人痘漿點入。不過兩三處。越七八日。即見點。彼云。其國雖牛馬亦出痘。恒有斃者。因思此法。由牛而施之人。無不應驗。然亦必須此痘漿方得。他痘不能。故互相傳染。使痘漿不絕。名曰牛痘。是術也。余未嘗親驗。姑妄聽之而已。

七零八落。吾俗諺語。謂散而無紀之辭。道光甲午冬。族恭甫弟。抱危疾。幾殆。病中嘗

自言。我若死。則家事七零八落矣。明春病愈。余喜。作從此餘年。號更生詩五章。慰之。

中有五角六張難作事。七零八落最關情句。以俚語入詩。恐傷雅道。後讀梁諫菴玉

繩薦亡妾倪氏疏。有七顛八倒。五角六張。未免生憂。何如死樂語。是前人有先我而

為之者。七顛八倒。亦吳越間諺語。謂諸事不如意也。曾憶一書。忘其名。遍檢不得。七零八落

作七菱八落。謂菱角熟時。無不自落。此又別自一解也。恭甫名曼壽。為族南陔中丞師長嗣。候選同知。

魯春雨學博。名秀。遷居蕭山。七世矣。其籍尚係會稽。嘗取陸放翁小樓一夜聽春雨。深巷明朝賣杏花

句。繪聽花圖小影。先君子題詩曰。江南二月春信歸。餘寒勒花花尚微。風五風後雨

十雨。崇光汎被爭芳菲。長安得意看不足。一日萬樹猶嫌稀。聽花菴主有真賞。未與

目遇先耳依。簷牙靜數羯鼓點。屐齒肯踏泥痕肥。雨能催花響斯應。雨消息即花生

機。明朝雨歇花更寂。拈來在手散滿衣。耳力到處造眼界。塵根誤用識者希。俗目但

解愛絢爛。移棠穠艷天桃緋。豈知幻景等泡露。色相雖是聲聞非。憑君寄語雨前慈。

莫遣紅雨隨風飛。道光戊子嗣君三橋光祿。照復出此圖。乞余續咏。蓋距春雨之歿

已二十二年矣。披圖感舊。不覺情見乎辭。題云。春夢杭州尋不得。放翁舊寓錢唐側。

賣花聽雨景依然。條條門巷分南北。魯君名字恰相同。約畧詩詞繪顏色。披圖重見畫中人。圍爐翦燭情堪憶。花耶雨耶兩無主。韻事流傳歸翰墨。清明魂斷杜樊川。一樹棠梨奠寒食。東風老去太闌珊。杏花憔悴無消息。惟有簷前夜雨聲。春來猶帶餘寒勒。

春雨藏有錢舜舉蘇武歸闕圖。筆墨工細。先君子以七古題之云。穹廬徧野沙茫茫。風吹草低雁南翔。蘇卿乘風還故鄉。節旄禿落旃裘涼。誰與送者右校王。跼注棘韋犀毗黃。仰天握手氣不揚。菟結抑塞摧肝腸。從騎跪進潼酪漿。通國十歲能挽強。射兔掘鼠持作糧。胡婦對之心感傷。欲別不別牽衣裳。更有犂角羝乳羊。肱麾不去鳴聲長。子卿忼慨泣數行。從此分袂各一方。不復相見毋相忘。橐駝驛驛齊足良。行程蒼茫紀不詳。漢闕我我近在望。山川重秀日再光。歸詣長安朝未央。太牢祭告先帝旁。拜典屬國為列卿。道路觀者如堵牆。面目改易鬚眉蒼。丹青圖畫何堂堂。齧德咽雪苦備嘗。不降不辱臣之綱。千載而下誰頡頏。洪皓朱弁郝仲常。垂示風紀傳無疆。

歸詣長安。晚間居士遺集本作歸詣北闕。未免與上漢書重複。敬依先君子手書原稿本訂正。附識於此。

讀汪克寬撰鄭玉行狀云。女二人。黃庭堅吳宗其壻也。山谷之名。婦儒皆曉。以師山

之壻。竟與同名。而不之避。師山亦不令改。實不可解。豈亦王介甫欲據謝公墩意耶。
吾邑南五十里河上鎮。有巖將廟。唐時管氏兄弟。長名張實。次名張耀。季名張聖。暨
其舅氏董戈。甥舅四人。並剛方勇烈。協力除害。後唐清泰中。土人周段青。以妖術聚
賊。張實等設計入穴。奮勇勦滅。鄉人德之。歿後建祠並祀。國初土寇石仲方。聚眾
肆掠。一日過其廟門。忽見神等四人。揮刃追捕。眾寇潰散。嘉慶二十五年。洪水驟湧。
顛神保障。水勢立退。道光九年。瘟疫盛行。顛神驅消。沈疴咸愈。又境內猝遭回祿。神
為返風撲滅。里人俞會汾乞余偕諸紳士。呈懇大吏。題請封號。經署總督魏元烺巡
撫富呢揚阿合詞具題。禮部議可。勅封董戈綏佑伯。管張實保惠伯。管張耀昭靈
伯。管張聖普佑伯。道光戊戌會汾兄子寶三等。又於廟後隙地。創建後殿三楹。中祀
董戈等四神。左祀文武二帝。右祀于忠肅楊忠愍兩公。落成以楹聯為請。余各撰一
聯云。惠綏桑梓。靈佑粉榆。不愧一鄉稱善士。爵冠子男。庸酬甥舅。儼同四嶽視諸侯。
右綏佑伯四神十七世陰騭文存。惟孝友于兄弟。億萬載春秋志在。用勸相我國家。右文武二帝
黃塵翳地。碧血冲霄。冤獄古今同一愆。于初愆肅愆赤手回天。丹心貫日。孤臣先後表雙